

PENTINGNYANE DISIPLIN ANAK

**Ajahinja anake cerik unduk
ane patut jalanin,
apanga yen ia suba kelih,
ia tusing laku lempas uli jalane ento.
Wewangsalan 22:6**



Majeng ring Rerama

Ida Sang Hyang Widi Wasa maicayang pianak-pianak, tur pianak-pianake ento dadi pikolih Idane. Kidung 127:3.

Anake ane tusing ngelah tungked, ia geting tekan pianakne, nanging anake ane tresna tekan pianakne, ia setata ngukum pianakne. Wewangsalan 13:24

Sajeroning astiti bakti ring Ida Sang Hyang Widi Wasa, anake punika pacang molih genah pasayuban.

Wewangsalan 14:26

Ngurukangja pianak ceninge, sakantune enu ada pangajap-ajap, tur edaja banggayanga ia masesambatan. Wewangsalan 19:18

Kabelog-belogne ento kategul di kenah anake cerik. Nanging tungked ane ngranayang nglemesin anake ento laku ngedohang anake ento. Wewangsalan 22:15 Sampunangja semeton tulak nglemekin anake alit punika, santukan yening semeton nigtig ipun antuk tungked, ipun nenten pacang padem. Palungguh IRatu jaga nigtig ipun antuk tungked, tur ngluputang ipun saking pati lokane. Wewangsalan 23:13-14

Teteg muah panglemek ngranayang kawicaksanaan, nanging rare ane kabanggayang padewekan ngranayang memenne kimud. Wewangsalan 29:15

Lebehinja pianak ceninge, pedas ia laku mapai kasukan ring jiwane semetone. Wewangsalan 29:17 Sakancan pianak kitane laku dadi uruk uli Ida Sang Hyang Widi Wasa. Buina pianak-pianak kitane laku muponin sutrepti gede." Yesaya 54:13

Antuk Anak Alit

Baktija teken meme bapan ceninge, apang cening dawa tuuh di gumine ane lakar paicayang cening teken Ida Sang Hyang Widi Wasa, Widin ceninge. Keluaran 20:12

Ih cening, edaja cening nglemenahang ukuman Ida Sang Hyang Widi Wasa. tur sampunangja leleh nglemekin Ida Sang Panembahan. patuh buka rerama ngajak pianakne ane demenin.

Wewangsalan 3:11-12

Sesonggan Ida Sang Prabu Salomo. Ipianak ane wicaksana ngranayang bagia bapanne, nanging ipianak ane belog ngranayang memenne sedih.

Wewangsalan 10:11.

Padingehangja pangandikan bapan ceninge, tur eda pesan nganistayang memen ceninge, dikalan ia suba kelih. Wewangsalan 23:22

Ih cening, cening patut satinut teken meme bapan ceninge, sawireh ento ane patut. Ajiangja meme bapan ceninge. Pituduhe punika sane kaping pisan madaging prajanjian.

Apang cening rahayu tur dirgayusa cening di gumine. Epesus 6:1-3.

Ajiangja bapan ceninge aji saguluking keneh ceninge, tur eda cening engsap teken kaduhkitan memen ceninge. Elingangja, mungguing ragane puniki putran ipun. Sapunapiang ragane jaga ngwales ipun paindikan sane sampun kardi ipun marep ring ragane?" Pandita 7:27-28

Yening iraga laku ngajahin pianak iragane, ia laku nangis jani nanging seneng benjang pungkur. Yening iraga nenten pacang ngajahin pianak iragane, ipun pacang seneng mangkin nanging nangis benjang pungkur.

Anak alit wantah masa depan negara iragane. Nanging yening ipun pacang tua tanpa disiplin, sapunapi jagi masa depan negara iragane?

Makasami parilaksana sane nenten becik saking anak dewasa inggih punika sane nenten katepasin utawi kadisiplinin ritatkala ipun kantun alit. Iraga patut miara pianak sane astiti bakti ring Ida Sang Hyang Widi Wasa.

Tiang ngambil tanah liat sane urip
Tur alus-alus kawentuk punika sadina-dina .
Tiang rauh malih rikala warsa-warsa sampun lintang
Punika wantah anak lanang sane cingakin tiang
Ia masih ane awal kesan nganggo
Lan tiang nyidayang ngalih ia buin